



HORMATI BUDAYA BERMASYARAKAT



Mari kita bernyanyi.



Hormati budaya dalam masyarakat
Jadikan amalan dalam kehidupan
Pelbagai budaya pelbagai amalan
Hidup kita menjadi aman

Amalkan hormat pelbagai budaya
Makanan, bahasa kita berbeza
Hormati makanan pelbagai kaum
Gunakan bahasa difahami semua

Hidup berbudaya hidup sejahtera
Pemakaian kita patut dijaga
Cara hidup kita berbeza-beza
Jangan mengejek sesama kita



Adat dan tradisi harus dipatuhi
Turun-temurun menjadi panduan
Hak budaya disanjung tinggi
Amalan hormat tetap dirasa

Hormati budaya hormati bangsa
Elakkan sengketa hidup harmoni
Kenali budaya rapatkan hubungan
Masyarakat gembira kita bahagia

Mari kawan hormati semua
Kita raikan pelbagai budaya
Wujud perpaduan di mana jua
Rakyat tenteram dan berjaya

Nukilan: Kugan a/l Ravendran

Hormati
Budaya
Bermasyarakat

IMBAS SAYA



- Berdasarkan lirik lagu, nyatakan kepelbagaian budaya dalam hidup bermasyarakat.
- Bagaimanakah kamu menghormati kepelbagaian budaya dalam hidup bermasyarakat?
- Mengapakah kamu patut menghormati adat dan tradisi kepelbagaian budaya dalam hidup bermasyarakat?
- Apakah perasaan kamu apabila dapat menghormati kepelbagaian budaya dalam hidup bermasyarakat?



Bimbing murid menyanyikan lagu mengikut melodi "Air Pasang Pagi".





KEPELBAGAIAN BUDAYA BENTUK KEHARMONIAN



Lengkapkan infografik.

Saya menghormati kepelbagaian budaya dalam hidup bermasyarakat dengan mengenali perayaan masyarakat setempat.

Perayaan Harik Nyolong Buah

Masyarakat Orang Asli Suku Urang Huluk

02

Tanda ucapan terima kasih kepada semangat alam kerana memberikan hasil buah-buahan hutan.

04

Upacara ini akan dilakukan oleh seorang pawang.

01

Disambut pada bulan Ogos setiap tahun.

03

Selepas upacara berdoa di keramat dan bermandi tepung, semua akan ke rumah untuk bejamuk, iaitu makan kenduri besar-besaran di Balai Hadat.

[Sumber:
Buku Adat dan
Pantang Larang Orang
Asli Semenanjung
Malaysia-Suku Urang
Huluk (JAKUN)]

Keramat bermaksud kawasan suci bagi Orang Asli yang menjadi tempat untuk **bemintak** atau berdoa.



- Bagaimanakah kamu menghormati sambutan perayaan kuih bulan dalam hidup bermasyarakat?
- Mengapakah kamu patut menghormati kepelbagaian perayaan dalam hidup bermasyarakat?

Perayaan Gawai Dayak

Masyarakat Dayak

01

Disambut pada bulan Jun.

02



03



04



IMBAS SAYA



Gawai Dayak



**HEBAT
INSAN**

**UNIT
6**

HORMATI KEPELBAGAIAN BUDAYA



Mari berpidato.




Kamu menyertai pertandingan pidato yang bertajuk "Kebaikan Menghormati Kepelembagaan Budaya dalam Hidup Bermasyarakat" anjuran Persatuan Komuniti Bandar Bayu bersempena dengan sambutan bulan patriotik.



Yang dihormati tuan pengerusi majlis, barisan hakim yang bijaksana, Ahli Jawatankuasa Persatuan Komuniti Bandar Bayu dan para hadirin yang dikasihi sekalian. Tampilnya saya di sini untuk menyampaikan pidato yang bertajuk ...


Isi: 1

Contoh kepelembagaan budaya:

1. Makanan 
2. _____ 
3. _____ 


Isi: 2

Cara menghormati kepelembagaan budaya:

1. Hormati hak budaya kaum lain
2. _____ 

Isi: 3

Kepentingan menghormati kepelembagaan budaya:

1. Mewujudkan persefahaman
2. _____ 

Isi: 4

Perasaan menghormati kepelembagaan budaya:

1. Seronok
2. _____ 

Isi: 5

Kesimpulan

_____ 

- Tulis pidato lengkap berdasarkan isi pidato yang diberikan.
- Apakah yang akan berlaku jika kamu mengabaikan amalan hormat dalam hidup bermasyarakat?



6.1
6.2
6.3
6.4

Galakkan murid menulis dan menyampaikan pidato ini dalam program kemasyarakatan atau program sekolah.





AMALAN HORMAT KUKUKKAN PERPADUAN

Mari melakukan aktiviti.

Sugen dan Eril sedang mencari maklumat tentang adat dan kepercayaan dalam hidup bermasyarakat di Pusat Internet Kampung Desa Permai.

Masyarakat Melayu

Bersalaman sambil mencium tangan apabila berjumpa dengan orang yang lebih tua sebagai tanda hormat.

Masyarakat Cina

Dalam upacara perkahwinan, pengantin akan memberikan teh kepada saudara-mara yang lebih tua untuk mengeratkan hubungan kekeluargaan.

Masyarakat Kadazandusun





Melakukan upacara sumuku untuk meminta izin daripada Tuhan Kinoingan. Upacara tersebut bertujuan untuk membuka tanah bagi pertanian ataupun sebagai tapak pembinaan rumah.

Masyarakat India

Sujud di kaki apabila berjumpa dengan orang yang lebih tua sebagai tanda mendapatkan restu.

Mari menghasilkan rantai kunci berdasarkan adat di atas.

Alatan dan Bahan



Cara-cara Menghasilkan Rantai Kunci

- 1 Taip dan cetak maklumat.
- 2 Salutkannya dengan plastik berlamina dan potong.
- 3 Tebuk lubang dan masukkan gelung besi.
- 4 Rantai kunci yang telah siap.



**PUPUK
NILAI**

**UNIT
6**

AMALAN DIKUTI, HIDUP DIBERKATI



Mari kita melakukan aktiviti Main Peranan (Role Play).

PANDUAN AKTIVITI

1. Murid membentuk tiga kumpulan.
2. Setiap kumpulan diberi potongan kad Main Peranan.
3. Apabila wisel dibunyikan, wakil setiap kumpulan perlu mencari sebahagian potongan kad Main Peranan yang sama bentuk di dalam Kotak Ajaib dan cantumkananya.
4. Kumpulan yang dapat mencantumkan kad dahulu, akan memulakan lakonan.
5. Setiap kumpulan diberi masa 10 minit untuk membuat persediaan lakonan.
6. Apabila wisel kedua dibunyikan, kumpulan perlu bersedia untuk memulakan lakonan.
7. Lakonkan cara menghormati kepelbagaian budaya dalam hidup bermasyarakat.

Kad Main Peranan 1:
Kamu mengajak Salbiah sekeluarga ke majlis makan malam bersempena dengan sambutan Hari Vaisakhi di dewan orang ramai.

Kad Main Peranan 2:
Kamu bersama-sama dengan William dan Janting sedang menyaksikan perarakan kavadi semasa sambutan Thaipusam.

Kad Main Peranan 3:
Kamu mengikut Aalona untuk menyaksikan Tarian Ngajat masyarakat Iban bersempena dengan sambutan Hari Gawai di Kampung Keniong Lama.



Mengapakah kamu patut menghormati kepelbagaian budaya dalam situasi di atas? Bincangkan.

6.1
6.3
6.5

Minta murid menunjukkan amalan sikap menghormati kepelbagaian budaya dalam hidup bermasyarakat semasa aktiviti Main Peranan.



57
KPM



MARI UJI DIRI



Jawab soalan berdasarkan tindakan kamu.



Jasmine Kaur menghadiri Pesta Makanan dan Pakaian Tradisional Masyarakat Bandar Sentosa anjuran Persatuan Penduduk Bandar Sentosa. Terdapat hidangan makanan yang melambangkan kepelbagaian budaya. Jasmine Kaur menghormati masyarakat setempat yang hadir dengan memberikan salam dan bertegur sapa. Jasmine Kaur menghadiri pesta tersebut dengan memakai pakaian tradisional.

Bagaimanakah Jasmine Kaur menghormati kepelbagaian budaya dalam hidup bermasyarakat?



Mengapakah Jasmine Kaur patut menghormati budaya makanan, pakaian dan bahasa dalam pesta tersebut?



Apakah perasaan kamu apabila dapat menghormati kepelbagaian budaya dalam hidup bermasyarakat?




Jika kamu Jasmine Kaur, bagaimanakah kamu menghormati kepelbagaian budaya dalam pesta tersebut?



JANA
IDEA


UNIT
7

RUMAH
ANAK YATIM
KAMPUNG SEJAHTERA





SAJAK KASIH SAYANG

 Baca dan fahami sajak.

Ravi sentiasa mengamalkan sikap menyayangi masyarakat. Dia ingin menyampaikan sebuah sajak yang bertemakan kasih sayang dalam Majlis Hari Komuniti Kampung Sejahtera. Dia berlatih mendeklamasikan sajak yang dihasilkannya di hadapan rakan-rakan.

Kasih sayang adalah perasaan cinta yang lahir daripada hati yang ikhlas.

Kasih sayang adalah kepekaan terhadap masyarakat demi keharmonian dan kesejahteraan.

Kasih sayang dicurahkan kepada semua insan dalam masyarakat.

Yang tua mahupun yang muda
Yang bertuah mahupun yang serba kekurangan.

Kasih sayang menyinari kehidupan menghapuskan persengketaan dalam masyarakat yang kita sayangi.

Nukilan: Shanmuga Velu a/l Subramanian



- Berpandukan sajak di atas, nyatakan cara kamu menyayangi masyarakat.
- Bincangkan kepentingan amalan menyayangi masyarakat.
- Nyatakan perasaan kamu ketika mengamalkan sikap menyayangi masyarakat.



Bimbing murid untuk mendapatkan maklumat tentang kasih sayang terhadap masyarakat daripada Internet, majalah atau surat khabar.



SAYANGI WARGA EMAS



Fahami situasi.

Pejabat Kebajikan Masyarakat merancang untuk menganjurkan acara sukaneka bagi warga emas di kawasan pangsapuri Taman Mentari. Penganjur memerlukan beberapa orang pembantu untuk menjayakan acara itu.

John, saya ingin menjadi pembantu dalam acara tersebut. Saya boleh membantu mengedarkan minuman kepada warga emas.

Hal ini akan memberikan peluang kepada kita untuk memupuk amalan kasih sayang kepada warga emas. Kehidupan kita lebih sejahtera apabila golongan ini tidak diabaikan.

PENGUMUMAN
Pejabat Kebajikan Masyarakat
Sukaneka untuk Warga Emas
Tarikh:
26.5.20□□
Masa:
9:00 pagi – 12:00 tengah hari
Tempat:
Padang Awam,
Taman Mentari

Saya pun berminat, Kim. Saya boleh membantu penganjur mengedarkan peralatan permainan.

Ya, Kim. Saya akan berasa amat gembira sekiranya dipilih sebagai pembantu kerana dapat mengambil berat terhadap golongan yang memerlukan kasih sayang.

- Adakah kamu akan mengamalkan kasih sayang terhadap masyarakat seperti yang dinyatakan dalam situasi di atas? Jelaskan.
- Huraikan kepentingan amalan menyayangi masyarakat.
- Ceritakan pengalaman kamu atau rakan lain tentang amalan menyayangi masyarakat.

7.1
7.2
7.3
7.5


Tayangan video tentang kasih sayang terhadap warga emas boleh digunakan untuk membincangkan perasaan murid ketika mengamalkan sikap tersebut.





KAMI PRIHATIN

Teliti carta alir.



- Apakah cara lain untuk memupuk kasih sayang terhadap golongan OKU dalam masyarakat?
- Jelaskan perasaan kamu berdasarkan situasi di atas.
- Anggota masyarakat patut memupuk amalan menyayangi golongan tertentu seperti OKU. Jelaskan.






IBU TERAS KESEJAHTERAAN MASYARAKAT




Fahami situasi.


Pada minggu hadapan, Laura, Agalya dan Gan akan menghadiri Majlis Sambutan Hari Ibu di Taman Bersatu. Bersempena dengan majlis itu, mereka merancang untuk melakukan sesuatu bagi menunjukkan kasih sayang mereka terhadap kaum ibu.



Marilah kita membuat kejutan untuk kaum ibu dari Taman Bersatu sebagai tanda kasih sayang kita terhadap mereka.



Ya. Saya sokong. Saya bercadang untuk membuat gelang manik dan menghadiahkannya kepada mereka. Mereka pasti menyukainya.



Ya, saya setuju. Kita juga akan berasa bangga apabila dapat menyayangi kaum ibu. Keadaan ini akan merapatkan hubungan kita dengan masyarakat setempat.

- Mengapakah kamu patut mengamalkan sikap kasih sayang terhadap kaum ibu dalam masyarakat?
- Nyatakan perasaan kamu apabila dapat mengamalkan sikap kasih sayang terhadap anggota masyarakat, khususnya kaum ibu.





PROJEK KASIH SAYANG




Laksanakan projek ini.

Suren, Kalas, Kandeh dan Sarom ingin menyertai pertandingan Persembahan Amalan Kasih Sayang terhadap Masyarakat menggunakan aplikasi MS PowerPoint.


Kami amat menyayangi masyarakat setempat di Taman Sejahtera. Kami mempunyai beberapa pengalaman yang boleh kami kongsi dengan menyertai pertandingan ini.



Mereka mengikuti langkah-langkah untuk menghasilkan slaid persembahan PowerPoint seperti yang berikut.



1



2

AMALAN KASIH SAYANG

Kami percaya amalan kasih sayang terhadap masyarakat penting demi kesejahteraan hidup.

3

CARA MENGAMALKAN SIKAP KASIH SAYANG

Kami menyayangi masyarakat dengan:

- Meluangkan masa dengan warga emas
- Menyertai aktiviti seperti Hari Kanak-kanak
- Bergaul dengan golongan istimewa

4

CARA MEMUPUK KASIH SAYANG

Kami memupuk amalan kasih sayang dengan:

- Senyum
- Bersalaman
- Berfegur sapa
- Bersimpati

5

KEPENTINGAN MENYAYANGI MASYARAKAT

- Mengeratkan hubungan silaturahim
- Mewujudkan persefahaman dalam kalangan masyarakat
- Meningkatkan kesejahteraan hidup

6

APABILA MENYAYANGI MASYARAKAT, KAMI BERSA:

- Gembira dan berpuas hati
- Bangga terhadap diri sendiri
- Hidup menjadi lebih bermakna

7

Oleh itu, marilah kita menyayangi masyarakat demi kesejahteraan hidup.

8

- Jelaskan cara kamu memupuk amalan menyayangi masyarakat.
- Perihalkan perasaan kamu apabila dapat mengamalkan kasih sayang terhadap anggota masyarakat.
- Mengapakah kamu wajar menyayangi masyarakat?



Galakkan murid menggunakan media lain bagi menghasilkan persembahan mengenai amalan kasih sayang terhadap masyarakat.






SANDWIC KASIH SAYANG

 Laksanakan tugas ini.

Mimi menyertai pertandingan memasak yang bertemakan "Sayangi Masyarakat Kita" di Kampung Baru Simpang Tiga. Dalam persembahannya, dia mengaitkan amalan pemupukan kasih sayang dengan cara membuat sandwic.

- Para hadirin sekalian, sekarang saya akan menunjukkan cara membuat "sandwic kasih sayang" terhadap masyarakat.
- Mula-mula, sediakan dua keping roti empati.
 - Sifat empati menjadi asas kepada amalan kasih sayang seseorang.
- Kemudian, sapukan marjerin prihatin pada sekeping roti empati.
 - Tindakan ini adalah sama seperti menanam sifat prihatin dan peka terhadap masyarakat.
- Selepas itu, letakkan salad beradab, telur rebus ikhlas, keju cinta dan sedikit mayones peramah.
- Segala ramuan ini ialah asas bagi sikap menyayangi masyarakat.
- Akhirnya, letakkan sekeping roti empati pada lapisan atas.
- Sandwic kasih sayang sudah siap sedia untuk dihidangkan kepada masyarakat.

Bahan-bahan yang diperlukan:



- Jelaskan cara kamu memupuk amalan kasih sayang dalam masyarakat.
- Huraikan kepentingan menyayangi pelbagai golongan anggota masyarakat.
- Apakah perasaan kamu apabila dapat mengamalkan sikap kasih sayang terhadap anggota masyarakat?
- Apakah yang akan kamu lakukan untuk menyayangi masyarakat di tempat tinggal kamu?



**PUPUK
NILAI**

**UNIT
7**


SAYANGI MASYARAKAT KITA



Fahami poster kasih sayang.

Guntingkan gambar pada poster di sebelah secara berasingan. Kemudian, nyatakan cara menyayangi anggota masyarakat.

Contoh:



Cara menyayangi:



IMBAS SAYA



Poster
Kasih Sayang



- Nyatakan cara lain menyayangi anggota masyarakat.
- Lakonkan situasi amalan kasih sayang dalam masyarakat bagi setiap gambar.
- Huraikan kepentingan menyayangi setiap golongan dalam masyarakat kamu.

7.1
7.2
7.3
7.5

- Gambar lain boleh digunakan untuk aktiviti ini.
- Perbanyak poster untuk melaksanakan aktiviti ini.





Jawab soalan.

Kesejahteraan Masyarakat Melalui Amalan Kasih Sayang

Oleh: Siti Sofia Md Nasir

KUCHING – “Kesejahteraan dalam kehidupan bermasyarakat dapat dicapai dengan adanya amalan kasih sayang yang ikhlas,” kata Tuai Rumah, Lantang Anak Kalas. Oleh itu, setiap individu patut peka dan berperasaan cinta secara ikhlas terhadap semua anggota masyarakat, khususnya golongan warga emas dan Orang Kurang Upaya (OKU). “Kasih sayang boleh diamalkan dengan meluangkan masa bersama-sama dengan anggota masyarakat atau meraikan hari-hari istimewa,” katanya lagi.



“Kasih sayang dapat mengeratkan hubungan sesama anggota masyarakat. Kasih sayang juga akan menghindarkan kita daripada sebarang perselisihan faham,” tambah beliau lagi.

Berita Nasional, Rabu, 15 Mei 20□□

1. Senaraikan contoh amalan menyayangi masyarakat seperti yang terdapat dalam keratan akhbar di atas.

2. Nyatakan cara kamu memupuk sikap menyayangi masyarakat.

3. Jelaskan kepentingan amalan kasih sayang dalam masyarakat.

4. Apakah perasaan kamu apabila dapat mengamalkan sikap menyayangi semua golongan masyarakat?

JANA
IDEA

UNIT 8



**HARI KELUARGA
TAMAN MELODI**




**KUASA
MINDA**

SURI TELADAN DICONTOHI MASYARAKAT





Baca dan fahami.

Saya Roboto. Saya telah dianugerahi Tokoh Kanak-kanak Keadilan dalam Kempen Kesedaran Moral anjuran komuniti setempat. Saya diminta berkongsi pengalaman bersikap adil dalam hidup bermasyarakat untuk dijadikan teladan kepada anggota masyarakat.




Semasa Pesta Makanan anjuran persatuan perumahan, saya ditugaskan untuk mengagihkan aiskrim. Kawan baik saya meminta dua batang aiskrim. Saya menolak permintaannya kerana setiap orang hanya dibekalkan sebatang aiskrim sahaja.



Saya dan kawan-kawan berlatih bermain futsal di stadium untuk pertandingan futsal anjuran persatuan taman perumahan. Saya mengajak Unini menyertai latihan bersama-sama walaupun dia berlainan jantina dengan kami.



Tomomo dituduh mengambil peranti realiti maya Zeni, anak penghulu. Tomomo sangat sedih. Saya meminta Zeni menyiasat perkara tersebut terlebih dahulu dan tidak menuduh sesiapa tanpa bukti yang kukuh. Selepas siasatan dijalankan, Zeni mendapati peranti realiti mayanya diambil oleh adiknya. Saya berasa syukur kerana sikap adil saya dapat mengelakkan berlakunya perselisihan faham antara anggota masyarakat.



Saya mengagihkan tugas mengemas buku di perpustakaan komuniti. Selepas membuat pertimbangan, saya meminta Kimini menyusun buku di bahagian atas rak buku, manakala Eono menyusun buku di bahagian bawah rak buku. Mereka bersetuju dengan agihan saya kerana saya mempertimbangkan ketinggian mereka.



- Senaraikan contoh amalan adil dalam hidup bermasyarakat.
- Nyatakan kepentingan amalan adil dalam hidup bermasyarakat.
- Huraikan kesan pengabaian amalan adil dalam hidup bermasyarakat.
- Apakah perasaan kamu apabila dapat bersikap adil dengan anggota masyarakat?



8.1
8.2
8.3
8.4

Minta murid melakonkan amalan adil dalam situasi di atas.





AMALAN ADIL, HAK DIPELIHARA



Baca dan fahami dialog.

Abang, saya hendak dua keping roti telur.

Entahlah, mata saya merah sejak pagi ini.

Abang, tidak adil kita bercakap begitu. Dia belum disahkan menghidap sakit mata. Dia berhak berkunjung ke mana-mana tempat awam.


Tidak mengapa.

Baik. Mengapakah mata kanan kamu kemerah-merahan?

Oh, kamu sakit mata! Kamu tidak boleh datang ke sini. Penyakit ini berjangkit.

Ya, betul katanya. Kita perlu memastikan sesuatu fakta itu sah sebelum menyuarakan pandangan. Jangan mengikut anggapan sendiri.

Maafkan saya, adik.



IMBAS SAYA



Konjunktivitis
(Sakit mata)

- Apakah yang akan berlaku sekiranya amalan adil dalam hidup bermasyarakat diabaikan? Jelaskan.
- Lakonkan amalan adil ketika kamu berada di tempat awam. Contohnya, pasar malam, pawagam dan taman rekreasi.





BERSIKAP ADIL, MASYARAKAT HARMONI



Fahami peta minda.



Saya terpilih menjadi ketua kumpulan pembersihan Balai Raya Kampung Bunga Ros. Saya mendapati salah seorang ahli kumpulan saya ialah cucu ketua kampung. Bagaimanakah saya mengagihkan tugas pembersihan?

Tindakan Adil

Mengagihkan tugas mengikut kemampuan ahli kumpulan dari segi jantina, tenaga dan kebolehan.

Kesan

Semua ahli kumpulan berasa gembira dan menurut arahan saya.

Perasaan

Bangga kerana ahli kumpulan bersetuju dengan keputusan saya.



Tindakan Tidak Adil

Mengagihkan tugas yang lebih ringan kepada cucu ketua kampung demi kepentingan diri sendiri.

Kesan

Ahli kumpulan lain berasa tidak berpuas hati dan enggan melaksanakan tugas.

Perasaan

Sedih kerana tidak mendapat sokongan daripada ahli kumpulan.



- Nyatakan contoh lain kamu bersikap adil terhadap anggota masyarakat.
- Huraikan kepentingan amalan adil dalam hidup bermasyarakat.
- "Kamu sedang mengagihkan belon kepada kanak-kanak dalam Pesta Seni dan Budaya Kanak-kanak anjuran persatuan taman perumahan. Kawan karib kamu meminta kamu memberikan dua biji belon kepadanya sedangkan kanak-kanak yang lain hanya mendapat sebiji belon setiap seorang." Hasilkan peta minda dengan mempertimbangkan tindakan adil dan tindakan tidak adil.





AMALAN ADIL KUKUHKAN SILATURAHIM



Hasilkan slaid dan bentangkan.

1

Amalan Adil Kukuhkan Silaturahim

Nama: Koh Ze Liang
Kelas: 5 Amanah

3

Amalan Adil Saya

- Saya mengadili pertandingan secara adil.
- Saya tidak membeza-bezakan pemain.
- Saya menganggap semua peserta adalah sama.
- Saya tidak bersikap pilih kasih.

2

Situasi

- Saya menjadi pengadil pertandingan badminton anjuran persatuan penduduk taman.
- Sepupu saya merupakan salah seorang peserta pertandingan badminton.
- Dia meminta saya mengebelahinya semasa pertandingan.
- Sepupu saya pernah menjadi jurulatih saya.
- Apakah yang perlu saya lakukan?

4

Keentingan Bersikap Adil

- Mengelakkan salah faham.
- Peserta akur terhadap keputusan pertandingan.
- Meningkatkan persefahaman.
- Memperkukuh silaturahim.

5

Amalan Tidak Adil Saya

- Saya mengebelahikan sepupu ketika membuat keputusan.
- Kesalahan sepupu diabaikan.



6

Kesan Pengabaian Amalan Adil

- Menimbulkan kemarahan kerana tidak puas hati dengan keputusan pertandingan.
- Hubungan menjadi renggang.
- Kepercayaan terhakis.

7

Refleksi


- Saya berasa syukur kerana diberi kepercayaan bertugas sebagai pengadil. Sikap adil saya telah mengeratkan hubungan sesama anggota masyarakat dan mengukuhkan keharmonian dalam hidup bermasyarakat.

Situasi A

Dalam pertandingan melukis poster anjuran kelab komuniti, kamu mendapati anak penghulu meniru. Dia merayu kepada kamu supaya tidak melaporkan perkara tersebut.

Situasi B

Semasa hari keluarga di taman perumahan, kamu ditugaskan untuk mengagihkan cenderamata kepada para pengunjung. Apabila tinggal sebuah cenderamata, kawan karib kamu dan seorang penduduk taman tiba pada masa yang sama.



Contoh PowerPoint

- Berdasarkan Situasi A atau Situasi B di atas, hasilkan persembahan MS PowerPoint yang menarik dan kreatif.



- Minta murid membuat buku skrap jika tiada kelengkapan komputer.
- Minta murid membentangkan hasil kerja mereka.





BERSIKAP ADIL, MASYARAKAT CERIA

Zon A



Mari bermain.

CARA BERMAIN

1. Atur gelung plastik untuk dijadikan laluan.
2. Murid membentuk dua pasukan dan beratur di Zon A dan di Zon B.
3. Pemain pertama daripada kedua-dua pasukan melompat ke dalam gelung plastik satu demi satu apabila wisel dibunyikan.
4. Apabila kedua-dua pemain bertemu, mereka menunjukkan isyarat "Batu, Gunting, Kertas" untuk mengalahkan lawan.
5. Pemain yang menang akan menjawab soalan untuk mendapatkan ganjaran.
6. Pemain yang kalah tersingkir daripada meneruskan permainan dan digantikan dengan ahli pasukan yang lain.
7. Apabila wisel dibunyikan, pemain yang menang meneruskan lompatan, manakala pemain pihak lawan yang seterusnya akan memulakan lompatan dari mula.
8. Ulangi langkah 4, 5, 6 dan 7 sehingga tiba di zon pihak lawan untuk mendapatkan ganjaran bonus.




Soalan

Dalam majlis rumah terbuka anjuran persatuan penduduk, bagaimanakah kamu mengagihkan makanan kepada anggota masyarakat secara adil? Berikan contoh.

Soalan

Amanda hendak menyertai pasukan bola sepak di taman perumahan kamu. Apakah tindakan adil kamu?

Zon B

- Apakah perasaan kamu apabila dapat mengamalkan sikap adil dalam aktiviti kemasyarakatan?
- Seseorang yang adil akan disanjung oleh anggota masyarakat. 



- Sebelum memulakan permainan, sediakan pelbagai soalan.
- Minta murid membahagikan ganjaran secara adil sesama ahli pasukan.






**PUPUK
NILAI**

**UNIT
8**

PENGUNDIAN ADIL, KEPUTUSAN DIYAKINI



 Fahami situasi dan main peranan.

Kamu sedang menyaksikan pertandingan nyanyian lagu patriotik yang diadakan di taman perumahan. Para penonton diamanahkan untuk membuat undian bagi memilih pemenang. Setiap penonton hanya mempunyai sekali peluang mengundi. Berdasarkan undian penonton, siapakah secara adil layak untuk memenangi pertandingan ini?



Peserta ke-4 paling baik, suaranya merdu tetapi orangnya nampak sombong.

Peserta ke-3 tidak mendapat bunga. Kasihannya.

Ibu menyuruh saya memilih peserta ke-2 kerana peserta itu anak kawannya tetapi persembahannya kurang menarik.

Peserta pertama ialah kawan karib saya tetapi persembahan peserta ke-4 lebih menarik.

Peserta ke-5 pernah membantu saya tetapi persembahannya kurang memuaskan.

- Ramalkan kesan jika pengundian dijalankan secara tidak adil.
- Apakah perasaan kamu apabila dapat bertindak adil sesama anggota masyarakat?



8.1
8.3
8.4
8.5

Sediakan bahan yang sesuai untuk menjalankan aktiviti main peranan dalam situasi mengundi.





KARNIVAL JUALAN AMAL
ANJURAN KAMPUNG BATU KARANG

1. Kampung kamu akan mengadakan Karnival Jualan Amal. Kamu dikehendaki mengagihkan tugas persediaan tapak mengikut kebolehan rakan-rakan sekampung.

NAMA	KEBOLEHAN	TUGAS
 Zairi	Paling tinggi.	Menghias gerai.
 Emily	Pemenang pertandingan melukis.	Menyusun kerusi dan meja.
 Sindun	Mahir membuat kerja rumah.	Menggantung belon.
 Nathan	Badan kuat dan bertenaga.	Mengelap meja, kerusi dan gerai.
 Ajay	Mahir dengan kerja pertukangan.	Memasang khemah.
 Ratih	Mahir menggunakan komputer.	Menghasilkan poster.

2. Adakah rakan-rakan sekampung akan akur terhadap tugas yang kamu agihkan? Berikan alasannya.

UNIT 9

JANA
IDEA

Tandas ini untuk kegunaan orang kurang upaya sahaja.





BERANI PERTAHANKAN CABARAN




Hayati situasi.

Jimmy Anak Ruji sedang mengulang kaji pelajaran. Pada ketika itu, dia terdengar bunyi bising motosikal yang tidak menyenangkan.



Pada keesokan hari ...



Di Pejabat Persatuan Komuniti Perumahan Mayuri ...



- Berdasarkan cerita di atas, berikan contoh amalan berani dalam hidup bermasyarakat.
- Apakah cabaran yang akan dihadapi oleh Jimy apabila bersikap berani dalam hidup bermasyarakat?
- Mengapakah Jimy patut bersikap berani dalam situasi di atas?
- Apakah perasaan kamu apabila bersikap berani seperti Jimy dalam situasi di atas?



Minta murid menulis aduan kepada persatuan komuniti mengenai masalah lumba haram ini menggunakan pelbagai media elektronik.






SANG LEBAH BERANI, RIMBA HARMONI



Hayati cerita.

Sang Nuri, Sang Ayam, Sang Monyet dan Sang Helang hidup bermasyarakat di Rimba Amazona. Sang Helang merupakan penghuni yang sangat garang dan ditakuti oleh masyarakat yang lain.



Pada suatu hari, semasa Sang Nuri, Sang Ayam dan Sang Monyet pulang dengan makanan, mereka terserempak dengan Sang Helang. Sang Helang meminta makanan mereka.

“Tidak! Makanan ini untuk keluarga saya. Nanti anak saya lapar,” kata Sang Ayam.

“Eh, kamu jangan berani sangat! Nanti saya makan kamu,” kata Sang Helang dengan suara yang menyeramkan. Akhirnya, Sang Ayam memberikan makanannya kepada Sang Helang.



Tindakan Sang Helang itu menyebabkan masyarakat di Rimba Amazona hidup kelaparan. Oleh itu, Sang Nuri, Sang Ayam dan Sang Monyet berjumpa dengan Ketua Komuniti Rimba Amazona, Sang Lebah untuk mengadukan masalah ini.


“Jangan risau, kita patut menghadapi cabaran ini dengan beraninya. Saya ada jalan penyelesaian,” kata Sang Lebah kepada mereka.



Pada keesokan hari, semasa Sang Nuri, Sang Ayam dan Sang Monyet pulang dengan membawa makanan, Sang Helang telah meminta makanan Sang Nuri.

"Tidak boleh. Saya tidak akan memberikan makanan kepada si pemalas," kata Sang Nuri dengan garangnya.

"Berani kamu?" kata Sang Helang lalu merampas makanan Sang Nuri.



Apabila Sang Helang membuka bakul makanan Sang Nuri, maka keluarlah Sang Lebah dan kawan-kawannya daripada bakul itu dan mula menyengat Sang Helang. Sang Helang menjerit kesakitan lalu terbang dari situ.



Sang Nuri, Sang Ayam dan Sang Monyet memuji sikap berani yang ditunjukkan oleh Sang Lebah dan kawan-kawannya. Sang Lebah berasa bangga kerana bersikap berani demi menjaga keselamatan masyarakat. Kehidupan mereka juga semakin bahagia dan harmoni.



- Berikan contoh amalan berani yang dilakukan oleh Sang Lebah dalam cerita di atas.
- Apakah cabaran yang akan dihadapi oleh masyarakat Rimba Amazona apabila bersikap berani dalam situasi di atas? Ramalkan.
- Mengapakah Sang Lebah patut bersikap berani dalam hidup bermasyarakat di Rimba Amazona?



9.1
9.2
9.3
9.5

Minta murid main peranan situasi di atas dengan menunjukkan sikap berani dalam hidup bermasyarakat.





GURINDAM KEBERANIAN



Mari kita lafazkan gurindam.

Jika kamu bersikap berani,
Hidup masyarakat menjadi harmoni.
Jangan takut jangan gentar,
Hadapi cabaran dengan pintar.
Berikan teguran secara berhemah,
Hubungan masyarakat menjadi ramah.
Apabila kamu memberikan nasihat,
Kesesuaian tempat patut dilihat.
Buat aduan ikut saluran,
Langkah betul menjadi panduan.
Aduan bertulis secara berhemat,
Hadapi rintangan dengan cermat.
Sikap berani sikap terpuji,
Keselamatan semua sentiasa dijanji.

Nukilan: Kugan a/l Ravendran



Senaraikan contoh amalan berani dalam hidup bermasyarakat.

Berdasarkan gurindam di atas:

Nyatakan kepentingan amalan berani dalam hidup bermasyarakat.

- Senaraikan amalan berani yang terdapat dalam gurindam di atas.
- Nyatakan perasaan kamu setelah amalan berani dalam hidup bermasyarakat dapat diwujudkan.

Gurindam bermaksud sajak dua baris yang berisi nasihat atau pengajaran.

INFO

9.1
9.2
9.3
9.4



**HEBAT
INSAN**

**UNIT
9**

HADAPI CABARAN KEKALKAN KEBENARAN



Fahami situasi dan lengkapkan infografik.

Setiap hujung minggu, Ming Kit dan kawan-kawannya menjalani latihan badminton di Kompleks Rekreasi Pangsapuri Pasir Emas.



Tandas awam di kompleks rekreasi itu semakin kotor dan berbau. Lampu juga tidak berfungsi. Makanan yang dijual di kafeteria juga berminyak. Kadangkala kuantiti makanan sangat sedikit.

Cara bersikap berani bagi mengatasi masalah dalam situasi di atas.



1. _____

2. _____

3. _____

4. _____

Apakah cabaran yang dihadapi oleh Ming Kit apabila bersikap berani dalam masalah di atas?



1. _____

2. _____

3. _____

4. _____

- Berdasarkan situasi, mengapakah Ming Kit patut mengamalkan sikap berani?
- Lakonkan situasi di atas dengan mengamalkan sikap berani dalam hidup bermasyarakat.

9.1
9.2
9.3
9.5

Minta murid melakonkan situasi di atas dengan mengamalkan sikap berani dalam hidup bermasyarakat.



85
KPM



HADAPI CABARAN TUNJUKKAN KEYAKINAN



Mari kita terima cabaran kawan.

CARA BERMAIN


1. Murid membentuk dua kumpulan.
2. Wakil daripada setiap kumpulan akan bermain Petak Cabaran secara berpasangan.
3. Wakil kumpulan perlu menulis huruf B, E, R, A, N, dan I secara bergilir-gilir untuk membentuk perkataan BERANI.
4. Pemenang memberikan Soalan Cabaran yang disediakan kepada pasangannya yang kalah.
5. Kumpulan yang menerima cabaran perlu membaca situasi dan melakukan tindakan berani dalam hidup bermasyarakat.
6. Kumpulan yang menang dalam Petak Cabaran mendapat tiga markah.
7. Kumpulan yang menerima cabaran akan mendapat dua markah jika melakukan situasi dengan betulnya.
8. Kumpulan yang mendapat markah paling tinggi dianggap pemenang.

IMBAS SAYA



Petak
Cabaran





Soalan Cabaran 1

Kamu ternampak beberapa orang peniaga menjual makanan berhampiran dengan padang awam walaupun ada papan tanda kawasan larangan menaja.

Soalan Cabaran 2

Ketika membeli barang di Pasar Mini Warisan, kamu mendapati ada makanan yang dijual telah tamat tarikh luputnya.

Soalan Cabaran 3

Kamu menegur seorang pemuda yang menghisap rokok di meja sebelah kamu ketika sedang makan di Restoran Mak Cik Kiah.

Soalan Cabaran 4

Semasa berjoging di taman permainan bersama-sama dengan ayah, kamu ternampak beberapa orang budak sedang bermain buaian sambil berdiri dalam keadaan bahaya.

- Berdasarkan situasi di atas, apakah cabaran yang akan kamu hadapi semasa bersikap berani dalam hidup bermasyarakat?
- Apakah kepentingan amalan berani dalam hidup bermasyarakat?

9.1
9.2
9.3
9.5

- Murid melayari Internet atau pelbagai media sosial untuk mendapatkan berita tentang sikap berani dalam hidup bermasyarakat.
- Cetak dan kongsi berita tersebut dengan rakan sekelas yang lain.





A. Isi tempat kosong dengan jawapan yang betul.

1. Kamu patut bersikap _____ untuk menghadapi situasi dengan yakin dan tabahnya dalam hidup bermasyarakat.
2. Kamu perlu memberikan _____ secara berhemah terhadap masyarakat yang melakukan kesalahan.
3. Jika kamu berhadapan dengan anggota masyarakat yang melakukan kesalahan, buat aduan menggunakan _____ yang betul demi ketenteraman.
4. Kamu perlu bertindak dengan _____ yang kukuh apabila berhadapan dengan masyarakat yang melakukan kesalahan.
5. Sikap berani yang kamu tunjukkan dalam hidup bermasyarakat dapat menjamin _____ yang harmoni.



B. Teliti situasi dan jawab soalan.

Tong barangan terpakai yang terletak berhampiran dengan Balai Raya Taman Anggerik dipenuhi dengan barang buangan di sekelilingnya. Tindakan masyarakat menyebabkan pemandangan yang tidak menyenangkan.



1. Apakah amalan berani yang boleh kamu lakukan?

2. Apakah cabaran amalan berani yang kamu hadapi?

3. Apakah perasaan kamu apabila dapat mengamalkan sikap berani dalam hidup bermasyarakat?

Pasar Raya

GEEMA

JANA
IDEA

UNIT 10

Eh, bakinya
terlebih! Saya patut
memulangkannya.



Baca dan fahami ikrar.

Kelab Remaja Taman Seri Hijau menganjurkan Kem Tunas Cemerlang untuk kanak-kanak di Taman Seri Hijau. Kem tersebut diadakan selama tiga hari dua malam. Haridas diberi pengiktirafan untuk membaca ikrar dalam majlis perasmian kem itu.



IKRAR

Bahawasanya kami, peserta Kem Tunas Cemerlang, berikrar dan berjanji akan:

- Bercakap benar dalam semua situasi;
- Mengamalkan sikap ikhlas sepanjang sesi perkhemahan;
- Amanah terhadap segala tugas yang diberikan; dan
- Kami juga sedar bahawa sikap jujur yang diamalkan sepanjang sesi kem ini akan menjamin kehidupan masyarakat yang harmoni dan bersatu padu.

- Senaraikan contoh amalan jujur yang boleh kamu lakukan dalam hidup bermasyarakat.
- Nyatakan cara kamu memupuk amalan jujur dalam hidup bermasyarakat.
- Mengapakah kamu perlu mengamalkan sikap jujur dalam hidup bermasyarakat?
- Apakah perasaan kamu apabila dapat mengamalkan sikap jujur dalam hidup bermasyarakat?



PENGIKTIRAFAN KERANA KEJUJURAN



Fahami situasi.

Persatuan Peningkatan Nilai Moral Thiruvalluvar menganjurkan sambutan Hari Kanak-kanak di Kampung Teratai. Anisha telah dipilih sebagai penerima Anugerah Kejujuran di Kampung Teratai.

Para hadirin sekalian, bersempena dengan sambutan Hari Kanak-kanak, Persatuan Peningkatan Nilai Moral Thiruvalluvar dengan bangganya ingin menyampaikan Anugerah Kejujuran kepada seorang kanak-kanak dari kampung kita.

Izinkan saya untuk membacakan biodata penerima anugerah tersebut.



BIODATA PENERIMA

- Anisha, 11 tahun, merupakan seorang kanak-kanak yang berasal dari Kampung Teratai. Dia telah banyak menunjukkan sikap kejujuran dalam kehidupan bermasyarakat.
- Dia sentiasa bercakap benar dalam apa-apa juga situasi. Sifat keikhlasannya juga sentiasa menjadi perbualan dalam kalangan masyarakat Kampung Teratai.
- Selain itu, dia tidak mengharapkan sebarang balasan bagi setiap bantuan yang dihulurkannya kepada warga emas Kampung Teratai. Setiap hari, Anisha akan membantu seorang warga emas yang berniaga di pasar. Dia tidak pernah mengharapkan sebarang bayaran. Amalan kejujuran dan keikhlasannya itu wajar dijadikan teladan oleh kanak-kanak lain di kampung ini.

- Jelaskan contoh amalan jujur kamu selain yang dimiliki oleh tokoh ini.
- Bagaimanakah kamu memupuk amalan jujur dalam hidup bermasyarakat?
- Apakah perasaan kamu apabila dapat mengamalkan sikap jujur dalam hidup bermasyarakat?



10.1
10.2
10.4

Bimbing murid mengenal pasti cara memupuk amalan jujur dalam hidup bermasyarakat dan membentangkannya dalam kelas menggunakan PowerPoint.





JUJUR KETIKA BERTINDAK



Baca dan fahami.





- Pada pendapat kamu, apakah kepentingan amalan jujur Chee Keong dalam hidup bermasyarakat?
- Nyatakan perasaan kamu apabila dapat bersikap jujur dalam masyarakat.



Bimbing murid melakonkan situasi di atas.





AMALAN JUJUR PERLU DICONTOHI



Fahami berita dalam blog.

Amalan jujur dalam hidup bermasyarakat sering menjadi tajuk utama dalam media massa dan laman sosial. Jaswant Singh menulis blog tentang kisah kawannya, Jery.

SAYA DAN MASYARAKAT

CORETAN TENTANG KEMASYARAKATAN

18 September 20□□

KEJUJURAN JERY PERLU DICONTOHI




Semalam, saya dan rakan saya, Jery, pergi ke restoran yang terletak di kawasan perumahan kami. Ketika sedang makan, Jery mendapati seorang pemuda di meja makan sebelah tertinggal telefon bimbitnya lalu beredar dari restoran itu. Jery dengan pantas mengambil telefon bimbit itu dan bergegas ke pintu restoran. Dia memulangkannya kepada pemuda itu. Pemuda itu berasa amat gembira dan lega kerana hampir kehilangan telefon bimbitnya yang agak mahal. Pemuda itu memberikan wang kepada Jery atas tindakan jujurnya. Jery menolak pemberian itu. Sebaliknya, dia berasa gembira dan bangga kerana dapat bersikap jujur terhadap anggota masyarakat.

Tentang saya



Jaswant Singh
Lihat profil lengkap saya

CATATAN...

- ▼ 20...(1)
- ▼ KEJUJURAN JERY PERLU DICONTOHI
- ▶ 20...(10)
- ▶ 20...(25)

- Jelaskan cara kamu memupuk amalan jujur dalam hidup bermasyarakat.
- Pada pendapat kamu, mengapakah amalan jujur Jery wajar dicontohi?
- Nyatakan perasaan kamu apabila dapat bersikap jujur dalam masyarakat.
- Ceritakan amalan kejujuran kamu dalam hidup bermasyarakat.





BERNIAGA SECARA JUJUR



Fahami cerita dan lengkapkan peta minda.

Sanawi membantu ayahnya mengusahakan pasar raya di Kampung Sungai Lingkau. Baru-baru ini, Jawatankuasa Kemajuan dan Keselamatan Kampung (JKKK) telah mengadakan satu program pengiktirafan kepada pengusaha pasar raya yang mengamalkan sikap jujur demi kepentingan masyarakat setempat.



Amalan jujur saya sebagai pengusaha pasar raya terhadap masyarakat.



Saya tidak akan menjual barangan tamat tempoh.

- Apakah faedah yang kamu peroleh apabila bersikap jujur seperti Sanawi dan ayahnya?
- Jelaskan cara memupuk amalan jujur dalam hidup bermasyarakat.
- Nyatakan perasaan kamu apabila dapat bersikap jujur terhadap anggota masyarakat.

- 10.1
- 10.2
- 10.3
- 10.4

Bimbing murid menghasilkan peta minda yang mengandungi amalan jujur dalam hidup bermasyarakat.





MENEROKA KEJUJURAN

 Laksanakan aktiviti Jalan Galeri.

Kelas bimbingan anjuran Kawasan Rukun Tetangga (KRT) Tawas Gemilang mengendalikan satu aktiviti Jalan Galeri bagi tema “Kejujuran”.

PANDUAN AKTIVITI

Murid-murid dibahagikan kepada empat kumpulan. Setiap kumpulan terdiri daripada tiga orang murid. Setiap kumpulan akan bergerak dari satu stesen ke stesen lain sambil mencatat maklumat yang dikehendaki dalam setiap situasi pada kertas sebak yang ditampalkan pada dinding.



Situasi 1

Kamu dan rakan-rakan sekampung sedang bermain bola sepak. Bola yang kamu tendang terkena pada sebuah motosikal dan cermin sisinya patah.

Contoh Amalan Jujur



Situasi 2

Kamu meminjam jersi Kelab Bola Sepak Tawas Gemilang. Kamu mendapati jersi itu terkoyak ketika memulangkannya.

Cara Menunjukkan Amalan Jujur



Situasi 3

Kamu telah dilantik sebagai Bendahari Kelab Tunas Cemerlang. Kamu diamanahkan untuk menyimpan wang kelab itu.

Kepentingan Amalan Jujur



Situasi 4

Kamu lewat menghadiri latihan bola sepak kerana tertidur.

Perasaan Mengamalkan Amalan Jujur



- Nyatakan cara memupuk amalan jujur dalam masyarakat bagi situasi tersebut.
- Jelaskan perasaan kamu ketika mengamalkan sikap jujur dalam situasi tersebut.
- Mengapakah amalan jujur terhadap masyarakat dalam situasi tersebut penting?
- Jika seorang kenalan kamu bersikap tidak jujur terhadap kamu, apakah tindakan kamu?
- Lakonkan situasi yang menunjukkan amalan kejujuran dalam masyarakat.



Bimbing murid melakonkan situasi yang menunjukkan kejujuran terhadap masyarakat.





MARI UJI DIRI



Tandakan (/) pada ruangan kosong di bawah bagi menilai tahap kejujuran kamu.

Petunjuk:

1 = Tidak Pernah

2 = Kadangkala

3 = Kerap

Bil.	Pernyataan	1	2	3
1.	Saya tidak menggunakan wang kelab untuk kegunaan sendiri.			
2.	Saya mengaku jika saya menyebabkan sebarang kerosakan ketika menggunakan kemudahan awam.			
3.	Saya bercakap benar jika tidak menghadiri kelas karate di desa saya.			
4.	Saya menyimpan rahsia rakan-rakan sekampung.			
5.	Saya menolong anggota masyarakat secara ikhlas tanpa mengharapkan ganjaran.			
6.	Saya mengaku jika tidak tahu tentang sesuatu perkara ketika bergaul dengan rakan-rakan.			
7.	Saya memulangkan baki wang yang terlebih apabila berurusan dengan pekedai di kampung.			
8.	Saya bergaul secara ikhlas dengan rakan-rakan di kampung saya.			

Jumlahkan skor yang kamu dapat.

Jumlah skor	Penerangan
17 hingga 24	Tahniah! Kamu seorang yang jujur.
9 hingga 16	Memuaskan! Tingkatkan sikap jujur kamu.
0 hingga 8	Berikan perhatian kepada amalan kejujuran kamu.

Refleksi Kendiri:

.....
.....

JANA
IDEA

UNIT 11





Baca dan fahami.

Taman Suria telah dikurniakan "Anugerah Taman Lestari" oleh majlis perbandaran daerah bersempena dengan Hari Bumi Sedunia. Untuk makluman semua, Taman Suria telah tiga kali memenangi anugerah tersebut. Kejayaan mereka diraih dengan titik peluh semua penduduk taman.



Projek ini dijalankan sepanjang masa mengikut jadual yang disediakan. Setelah projek ini dipergiat, suasana taman kami semakin ceria dan indah.

Bolehkah adik terangkan usaha penduduk kampung dalam Projek Tanam Pokok?



Bagaimanakah Program Kitar Semula dilaksanakan?



Program Kitar Semula dijalankan setiap dua minggu. Antara aktiviti yang diadakan termasuklah mengasingkan bahan buangan yang boleh dikitar semula.


Apakah usaha yang dilakukan oleh penduduk taman sehingga menghasilkan sayur-sayuran yang subur seperti ini?



Kami menanam sayur menggunakan kaedah hidroponik. Kami sentiasa mengawal tanaman daripada serangan serangga perosak. Selain itu, kami juga akan menukar larutan nutrien setiap tujuh hari untuk mengelakkan takungan air menjadi tempat pembiakan nyamuk.

Bagaimanakah penduduk taman dapat memanfaatkan bahan terpakai yang telah dikumpulkan?

Kelas mencipta bahan inovasi daripada bahan terpakai diadakan pada setiap hari Ahad. Bahan inovasi yang dihasilkan diletakkan di balai raya dan taman permainan untuk kegunaan semua penduduk taman.



- Apakah amalan rajin yang patut kamu tunjukkan bagi menjayakan program kemasyarakatan?
- Jelaskan kepentingan amalan rajin dalam hidup bermasyarakat.
- Ramalkan kesan pengabaian sikap rajin dalam hidup bermasyarakat.
- Ceritakan pengalaman kamu bersikap rajin dalam hidup bermasyarakat.



Minta murid mencari berita tentang masyarakat yang bersikap rajin dalam menjayakan sesuatu program dan kongsikannya bersama-sama dengan rakan.





USAHA BERTERUSAN, KEGERIAAN TERPELIHARA

Baca dan fahami catatan.

Kejadian vandalisme di kawasan perumahan saya telah menjejaskan imej taman perumahan. Saya dan penghuni kawasan perumahan membuat keputusan untuk melakukan kerja pemuliharaan secara berkala bagi membaik pulih kemudahan awam yang rosak.

OGOS 20 <input type="checkbox"/>		ISNIN	SELASA	RABU
AHAD				
1	 Berbincang.	2	3	4
		 Memantau keadaan kemudahan awam.		 Memantau keadaan kemudahan awam.
8	 Membantu membaik pulih tandas awam.	9	10	11
		 Memantau keadaan kemudahan awam.		
15	 Membersihkan perhentian bas yang diconteng.	16	17	18
		 Memantau keadaan kemudahan awam.		 Memantau keadaan kemudahan awam.
22	 Mencuci tandas awam.	23	24	25
			 Memantau keadaan kemudahan awam.	
29	 Melukis mural pada dinding tandas awam.	30	31	
			 Memantau keadaan kemudahan awam.	

Vandalisme ialah perbuatan membinasakan atau merosakkan harta benda awam.

(Sumber: Kamus Dewan Edisi Keempat)



Setelah sebulan berusaha melaksanakan kerja pemuliharaan, kemudahan awam dapat dijaga dengan baikny. Saya dan penghuni kawasan perumahan berasa bangga kerana sikap rajin yang kami amalkan berjaya membaik pulih kemudahan awam dan mengekalkan keceriaan kawasan perumahan. Kami akan terus memelihara kemudahan awam yang sedia ada demi keselesaan semua.

KHAMIS	JUMAAT	SABTU
<p>5</p> 	<p>6</p> <p>Memantau keadaan kemudahan awam.</p>	<p>7</p> <p>Membantu membaik pulih peralatan permainan.</p> 
<p>12</p>	<p>13</p> <p>Memantau keadaan kemudahan awam.</p>	<p>14</p> <p>Menanggalkan pelekat pada papan tanda dan tiang lampu.</p> 
<p>19</p>	<p>20</p> <p>Memantau keadaan kemudahan awam.</p>	<p>21</p> <p>Mengutip sampah.</p> 
<p>26</p> 	<p>27</p> <p>Memantau keadaan kemudahan awam.</p> 	<p>28</p> <p>Membersihkan peralatan permainan.</p> 

- Apakah perasaan kamu apabila bersikap rajin dalam menjayakan sesuatu program kemasyarakatan?
- Ceritakan pengalaman kamu bersikap rajin dalam hidup bermasyarakat.
- Pada pendapat kamu, apakah kesannya jika anggota masyarakat mengabaikan amalan bersikap rajin dalam hidup bermasyarakat? Huraikan.





 Bincang dan jalankan aktiviti.

Persatuan Kebajikan Orang-orang Istimewa, Segamat, Johor akan mengadakan jualan amal untuk mengumpulkan dana bagi membiayai perbelanjaan persatuan kebajikannya.

Kamu dan rakan-rakan berminat untuk menabur bakti dalam jualan amal tersebut. Setelah berbincang, kamu mengambil keputusan untuk menjual 100 unit sapu tangan berbentuk arnab buatan sendiri.

Ikuti arahan berikut untuk belajar cara membuat sapu tangan berbentuk arnab, menyediakan jadual tugasan dan membuat anggaran perbelanjaan bagi menjayakan projek ini.

1

Alatan dan Bahan

Sapu tangan



Reben kain



Gelang getah



Gunting



Busa EVA



Gam



Penebuk lubang



2

Anggaran Kos Bahan

Bil.	Bahan	Kuantiti	Harga Seunit	Jumlah Harga
1.	Sapu tangan	_____ helai	RM _____	RM _____
2.	Reben kain	_____ gulung	RM _____	RM _____
3.	Gelang getah	_____ bungkus	RM _____	RM _____
4.	Gam	_____ tiub	RM _____	RM _____
5.	Busa EVA	_____ keping	RM _____	RM _____
6.	Penebuk lubang	_____ buah	RM _____	RM _____

Jumlah Kos Bahan: RM _____

Harga modal seunit sapu tangan berbentuk arnab: RM _____

Harga jualan seunit sapu tangan berbentuk arnab: RM _____

Tempoh menyiapkan 100 unit sapu tangan berbentuk arnab: _____

3

Jadual Tugasan

Bil.	Tarikh	Tugasan	Catatan
1.		Membeli dan membandingkan harga bahan.	
2.		Membuat anggaran kos.	
3.		Mengadakan kelas bimbingan membuat sapu tangan berbentuk arnab.	
4.		Membeli bahan.	100 unit
5.		Membuat sapu tangan berbentuk arnab.	_____ unit siap
6.		Membuat sapu tangan berbentuk arnab.	_____ unit siap
7.		Membuat sapu tangan berbentuk arnab.	_____ unit siap
8.		Membungkus sapu tangan berbentuk arnab.	_____ bungkus
9.		Membungkus sapu tangan berbentuk arnab.	_____ bungkus
10.		Menjual sapu tangan berbentuk arnab.	
11.		Menyerahkan keuntungan kepada persatuan kebajikan.	RM _____




1

Lipat.



2

Lipat penjurukan untuk menjadi telinga.




3

Lipat dari bahagian bawah ke atas. (3 kali lipatan)



4

Balut telinga dan ikat.



5

Tindihkan dan lipat ke bawah. Kemudian, ikat.



Sapu tangan berbentuk arnab yang telah siap.

6

Hias.

- Apakah perasaan kamu apabila berjaya menghasilkan 100 unit sapu tangan berbentuk arnab?
- Huraikan kepentingan bersikap rajin dalam hidup bermasyarakat.



11.2
11.4

- Bimbing dan pantau keselamatan murid semasa menjalankan aktiviti.
- Gunakan sapu tangan bersaiz lebih kurang 30 cm × 30 cm.
- Ubah suai bahan mengikut keperluan.
- Layari Internet untuk mencari contoh kraf tangan lain yang boleh dihasilkan dengan sapu tangan atau tuala.





Fahami gambar dan lakukan aktiviti.

SAYA LIHAT, SAYA FIKIR, SAYA BERTANYA
(I SEE, I THINK, I WONDER)

PANDUAN AKTIVITI

1. Tunjukkan gambar yang berbeza kepada setiap kumpulan.
2. Fikirkan situasi yang dilihat dan kaitkannya dengan:
 - Amalan rajin
 - Kepentingan amalan rajin
 - Kesan pengabaian amalan rajin
 - Perasaan apabila bersikap rajin
3. Bincang, tulis dan bentang.
4. Ajukan soalan yang berkaitan dengan gambar kepada pembentang.

Gambar 1



Bagaimanakah kamu dan anggota masyarakat mengekalkan kebersihan tapak pasar malam?

Gambar 2



Bagaimanakah kamu dan anggota masyarakat menyahut kempen kitar semula?

Gambar 3



Apakah usaha yang kamu dan anggota masyarakat boleh lakukan bagi memulihara peralatan di taman permainan?




**PUPUK
NILAI**

KEMPEN JOM SIHAT



Fahami maklumat.

Yang berikut statistik obesiti dan notis tentang Kempen Jom Sihat di taman perumahan kamu.



Saya obes. Saya cadangkan kita berjoging selama seminggu.

Oh, seminggu tidak cukup! Kita seharusnya berjoging secara berterusan.

Betul. Selain senaman, pemakanan sihat juga sangat penting.

Mari kita membuat jadual pelaksanaan untuk menyahut kempen ini.

Berdasarkan maklumat, hasilkan jadual senaman yang boleh kamu lakukan bersama-sama dengan penduduk taman.

Notis
Kempen Jom Sihat

Data menunjukkan bahawa jumlah obesiti dan berisiko obesiti dalam kalangan penduduk amat membimbangkan. Oleh itu, pihak persatuan penduduk melancarkan kempen ini supaya para penduduk dapat mengamalkan cara hidup yang sihat dalam kehidupan harian.

“Makan Sihat, Bergerak Aktif, Cegah Obesiti”

**Jawatankuasa
Persatuan Penduduk Taman Impian Damai**



HARI	AKTIVITI / SENAMAN	TEMPOH
Ahad	Berjoging	1 jam
Isnin		
Selasa		
Rabu		
Khamis		
Jumaat		
Sabtu		

- Senaraikan kepentingan amalan rajin dalam hidup bermasyarakat.
- Apakah kesannya jika kamu mengabaikan amalan rajin dalam hidup bermasyarakat?





A. Jawab soalan dan lengkapkannya dengan gambar.

Penyakit kencing tikus ialah penyakit berjangkit disebabkan bakteria *Leptospira* yang disebarkan melalui haiwan. Jika tidak dirawat segera, penyakit ini boleh merebak dan membawa maut. Penyakit ini kerap berlaku di kawasan persekitaran taman perumahan yang tidak bersih.



(Sumber: Diubah suai daripada <https://www.infosihat.gov.my/index.php/multimedia/risalah/item/leptospirosis-penyakit-kencing-tikus>)

1. Senaraikan tiga usaha yang boleh dilakukan untuk membasmi penyakit kencing tikus.

Aktiviti

Tampilkan gambar di sini.

Kekerapan

Aktiviti

Tampilkan gambar di sini.

Kekerapan

Aktiviti

Tampilkan gambar di sini.

Kekerapan

2. Nyatakan kepentingan amalan rajin bagi membasmi penyakit kencing tikus di kawasan perumahan.
